





隋書卷第二十二

禮

監作國公



志第十七

五行上

易以八卦定吉凶則... 則大禹所以為明也... 法也天道以星象示廢興則甘石所以先知也是以祥符之兆可得而言妖譴之占所以徵驗夫神則陰陽不測天則欲人遷善均事影響殊致同歸漢時有伏生董仲舒京



房劉向之倫能言災異顧盼六經有足觀者劉向曰君道  
得則和氣應休徵生君道違則乖氣應咎徵發夫天有七  
曜地有五行五事愆違則天地見異況於日月星辰乎况  
於水火金木土乎若梁武之降號伽藍齊文宣之遊市  
里陳則將山之鳥呼曰奈何周則陽武之魚乘空而闕隋  
則鵲巢黼帳火炎門闕豈唯天道亦曰人妖則孽青呈形  
于何不至亦有脫畧政教張羅樽糶崇信巫覡者皆  
昔懷王事神而秦兵逾進長弘尚鬼而諸侯不來性者生  
之靜也欲者心之使也置情攸徃引類同歸雀乳於空城

之側鷗飛于鼎耳之上短長之制既曰由人黔隱崇山同  
車共軌必有神道裁成倚伏一則以爲空置一則以爲休  
徵故曰德勝不祥而義厭不惠是以聖王常由德義消伏  
災咎也

洪範五行傳曰木者東方威儀容貌也古者聖王垂則天  
子穆穆諸侯皇皇登輿則有鸞和之節降車則有佩玉之  
度田狩則有三驅之制飲食則有享獻之禮無事不出境  
此容貌動作之得節所以順木氣也如人君違時令失威  
儀田獵馳騁不反宮室飲食沈酒不顧禮制縱欲恣睢出



入無度多繇役以奪人時增賦稅以奪人財則木不曲直  
○齊後主武平五年鄴城東青桐樹有如人狀京房易傳  
曰王德衰下人將起則有不實為人狀是時後主怠於國  
政耽荒酒色威儀不肅馳騁無度大發繇役盛修宮室後  
二歲而亡木不曲直之効也

七年宮中有樹大數圍夜半無故自拔齊以木德王無故  
自拔亡國之應也其年齊亡

開皇八年四月幽州人家以白楊木懸竈上積十餘年忽  
生三條皆長三尺餘甚鮮茂仁壽二年春蓋屋人以楊木

為屋梁生三條長二尺京房易傳曰妃后有顛木仆天立  
斷枯復生獨孤后專恣之應也

仁壽元年十月蘭州楊樹上松生高三尺六節十二枝宋  
志曰松不改柯易葉楊者危脆之木此求久之業將集  
危亡之地也是時帝感讒言因廢冢嫡初立晉王為皇  
太子天戒若曰皇太子不勝任求久之業將致危亡帝不  
悟及帝崩太子立是為煬帝竟以亡國

仁壽四年八月河間柳樹無故枯落既而花葉復生京房  
易傳曰不再榮國有大喪是歲宮車晏駕



洪範五行傳曰金者西方萬物既成殺氣之始也古之王  
者興師動衆建立旗鼓以誅殘賊禁暴虐安天下殺伐必  
應義以順金氣如人君樂侵陵好攻戰貪城邑之賂以輕  
百姓之命人皆不安外內騷動則金不從革

陳禎明二年五月東冶鐵鑄有物赤色大如斗自天墜鉉  
所降隆有聲鐵飛破屋而四散燒人家時後主與隋雖結  
和好遣兵度江掩襲城鎮將士勞弊府藏空竭東冶者陳  
人鑄兵之所鐵飛爲變者金不從革之應天戒君曰陳國  
小而兵弱當以和好爲田無鑄兵而黷武以害百姓後主

不悟又遣僞將陳紀任蠻奴蕭摩訶數寇江北百姓不堪  
其役及隋師度江而二將降款卒以滅亡

洪範五行傳曰火者南方陽光爲明也人君向南蓋取象  
也昔者聖帝明王負宸攝袂南面而聽斷天下攬海內之  
雄俊積之於朝以續聰明推邪佞之僞臣投之于野以通  
壅塞以順火氣夫不明之君惑於讒口白黑雜揉代相是  
非衆邪並進人君疑惑棄法律間骨肉殺太子逐功臣以  
孽代宗則火失其性

梁天監元年五月有盜入南北掖燒神武門總章觀時帝



初即位而火燒觀闕不祥之甚也既而太子薨皇孫不得  
立及帝暮年惑於朱异之口果有廢景之亂宮室多被焚  
燒天誠所以先見也

普通二年五月琬琰殿火延燒後宮三千餘間中大通元  
年朱雀航華表災明年同泰寺災大同三年朱雀門災水  
泠火也是時帝崇尚佛道宗廟牲牷皆以麩代之又委萬  
乘之重數詣同泰寺捨身為奴令王公以下贖之初陽為  
不許後為嘿許方始還宮天誠若曰梁武為國主不遵先  
王之法而淫於佛道橫多糜費將使其社稷不得血食也

天數見變而帝不悟後竟以亡及江陵之敗闔城為賤隸  
焉即捨身為奴之應也

陳末定三年重雲殿災

東魏天平二年十一月間闔門災是時齊神武作宰而大  
野拔斬樊子鵠以州來降神武聽讒而殺之司空元暉免  
逐功臣大臣之罰也

武定五年八月廣宗郡火燒數千家

後齊後主天統三年九龍殿災延燒西廊四年昭陽宣光  
瑤華三殿災延燒龍舟是時謔言任用正士道消祖孝徵



作歌謠解律明月以誅死諛夫昌邪勝正之應也京房易傳曰君不思道厥妖火燒宮

開皇十四年將祠泰山令使者致石像神祠之所未至數里野火歛起燒像碎如小塊時帝頗信諛言猜阻骨肉滕王瓚失志而死創業功臣多被夷滅故天見變而帝不悟其後太子勇竟被廢戮

大業十二年顯陽門災舊名廣陽則帝之姓名也國門之崇顯號令之所由出也時帝不遵法度驕奢荒怠裴蘊虞世基之徒阿諛順旨掩塞聰明宇文述以諛邪顯進忠諫

者咸被誅戮天戒若曰信諛害忠則除廣陽也

洪範五行傳曰水者北方之藏氣至陰也宗廟者祭祀之象也故天子親耕以供粢盛王后親蠶以供祭服蠶之至也發號施令十二月咸得其氣則水氣順如人君簡宗廟不禱祀逆天時則水不潤下

梁天監二年六月大末信安安豐三縣大水春秋考異郵曰陰盛臣逆人悲則水出河決是時江州刺史陳伯之益州刺史劉季連舉兵反叛師旅數萬百姓愁怨臣逆人悲之應也



六年八月建康大水濤上御道七尺七年五月建康又大  
水是時數興師旅以拒魏軍十二年四月建康大水是時  
大發卒築浮山堰以通淮水勞役連年百姓悲怨之應也  
中大通五年五月建康大水御道通舡京房易飛候曰大  
水至國賤人將貴蕭棟侯景僭稱尊號之應也

後齊河清二年十二月突趙魏三州大水天統三年并州  
汾水溢讖曰水者純陰之精陰氣洋溢者小人專制是時  
和士開元文遙趙彥深專任之應也

武平六年八月山東諸州大水京房易飛候曰小人踴躍

無所畏忌陰不制於陽則湧水出是時群小用事邪佞滿  
朝闇毀廢倖伶人封王此其所以應也

開皇十八年河南入州大水是時獨孤皇后干預政事溢  
殺宮人放黜宰相楊素頗專水陰氣臣妾盛強之應也

仁壽二年河南河北諸州大水京房易傳曰顯享有智誅  
罰絕理則厥災水亦由帝用刑嚴急臣下有小過帝或親  
臨斬決又先是柱國史萬歲以忤旨被戮誅罰絕理之應  
也

大業三年河南大水漂沒三十餘郡帝嗣位已來未親郊



廟之禮簡宗廟廢祭祀之應也

洪範五行傳曰王者中央爲內事官室臺榭夫婦親屬也古者自天子至于士宮室寢居大小有差高卑異等骨肉有恩故明王賢君修宮室之制謹夫婦之別加親戚之恩敬父兄之禮則中氣和人君肆心縱意大爲宮室高爲臺榭雕文刻鏤以疲人力淫泆無別妻妾過度犯親戚侮父兄中氣亂則稼穡不成

齊後主武平四年山東饑是時大興土木之功於仙都苑又起宮於邯鄲窮侈極麗後宮侍御千餘人皆寶衣玉食

逆中氣之咎也

煬帝大業五年燕代齊魯諸郡饑先是建立東都制度崇侈又宗室諸王多遠徙邊郡

洪範五行傳曰貌之不恭是謂不肅則下不敬陰氣盛故厥咎狂厥罰常雨厥極惡時則有服妖時則有龜孽有鷄禍有下體生上體之疴有青眚青祥惟金沘木

貌不恭

侯景僭即尊號升圓丘行不能正履有識者知其不免景尋敗



梁元帝既平侯景破蕭紀而有驕矜之色性又沈猜由是  
臣下離貳即位三年而為西魏所陷帝竟不得其死  
陳後主每祀郊廟必稱疾不行建寧令章華上奏諫曰拜  
三妃以臨軒祀宗廟而稱疾非祇肅之道後主怒而斬之  
又引江總孔範等內宴無復尊卑之序號為狎客專以詩  
酒為娛不恤國政秘書監傅縡上書諫曰人君者恭事上  
帝子愛下人省嗜欲遠邪佞未明求衣日旰忘食是以澤  
被區宇慶流子孫陛下頃來酒色過度不虔郊廟大神專  
媚淫昏之鬼小人在側官監擅權惡誠直如仇讎視時人

如草芥後宮曳羅綺旣馬餘菽粟百姓流離轉屍蔽野  
神怒人怨眾叛親離臣恐東南王氣自斯而盡後主不聽  
驕恣日甚未幾而國滅

陳司空侯安都自以有安社稷之功驕矜日甚每侍宴酒  
酣輒箕踞而坐嘗謂文帝曰何如作臨川王時又借葦林  
園水殿與妻妾宿安置酒於其上帝甚惡之後竟誅死  
東魏武定五年後齊文襄帝時為世子屬神武帝崩秘不  
發喪朝魏帝於鄴魏帝宴之又襄起舞及嗣位又朝魏  
帝於鄴侍宴而情有識者知文襄之不免後果為盜所害



神武時司徒高昂嘗詣相府將直入門門者止之昂怒引  
弓射門者神武不之罪尋為西魏所殺

後齊後主為周師所迫至鄴集兵斛律孝卿勸後主親勞  
將士宜流涕慷慨以感激之人當自奮孝卿授之以辭後  
主然之及對眾嘿無所言因赧然大笑左右皆哂將士怒  
曰身尚如此吾輩何急由是皆無戰心俄為周師所虜  
煬帝自負才學每驕天下之士嘗謂侍臣曰天下當謂朕  
承藉餘緒而有四海耶設令朕與士大夫高選亦當為天  
子矣謂當世之賢皆所不逮書云謂人莫已若者亡帝自

矜已以輕天下能不亡乎帝文言習吳音其後竟終於江  
都此亦魯襄公終於楚宮之類也

常雨水

梁天監七年七月雨至十月乃霽洪範五行傳曰陰氣強  
積然後生水雨之災時武帝頗年與師是歲又大舉北伐  
諸軍頗捷而士卒罷弊皆怨望陰氣畜積之應也

陳大建十一年八月大雨霖霖時始興王叔陵驕恣陰氣成強  
之應也明年宣帝崩後主立叔陵刺後主於喪次宮人殺之僅  
而獲免叔陵出關就東府作亂後主令蕭摩訶殺之死者千數



○東魏武定五年秋大雨七十餘日元瑾劉思逸謀亂諸王各擁強兵外有赴援之名內無勤王之實委棄君父自相屠滅國竟以空

東魏興和二年五月大雪時後齊神武作宰發卒十餘萬築鄴城百姓怨思之徵也

武定四年二月大雪人畜凍死道路相望時後齊霸政而步後齊稽舉兵反寇亂數州人多死亡

後齊河清二年二月大雪連雨南北千餘里平地數尺繁霜晝下是時突厥木杆可汗與周師入并州殺掠吏人不

### 可勝紀

天統二年十一月大雪三年正月又大雪平地二尺武平三年正月又大雪是時馮淑妃陸令萱內制朝政陰氣盛積故天變屢見雷雨不時

陳大建元年七月大雨震萬安陵華表又震慧日寺刹瓦官寺重閣門下一女子震死京房易飛候曰雷雨霹靂丘陵者逆先人令為火殺人者人君用讒言殺正人時蔡景歷以奸邪任用右僕射陸績以讒毀獲讒發病而死十年三月震武庫時帝好兵頻年北伐內外虛竭將士勞



弊既克淮南又進圖彭汴毛喜切諫不納由是吳明徹諸軍皆沒遂失淮南之地武庫者兵器之所聚也而震之天戒若曰宜戢兵以安百姓帝不悟又大興軍旅其年六月又震太皇寺刹莊嚴寺露盤重陽閣東樓鴻臚府門太皇莊嚴二寺陳國奉佛之所重陽閣每所造宴鴻臚賓客禮儀之所在而同歲震者天戒若曰國威已喪不務脩德後必有恃佛道耽宴樂棄禮儀而亡國者陳之君臣竟不悟至後主之代災異屢起懼而於太皇寺捨身為奴以祈冥助不恤國政耽酒色棄禮法不脩鄰好以取敗亡

齊武平元年夏震丞相段孝先南門柱京房易傳曰震擊貴臣門及屋者不出二年佞臣被誅後歲和士開被戮

木冰

東魏武定四年冬天雨木冰洪範五行傳曰陰之盛而凝滯也木者少陽貴臣象也將有害則陰氣者木木先寒故得雨而冰襲之木冰一名介介者寡之象也時司徒侯景制河南及神武不豫文襄懼其為亂而徵之景因舉兵反豫州刺史高元成襄州刺史李密廣州刺史慕容紹宗與景景所執辱貴臣有害之應也其後左僕射慕容紹宗與景



戰於渦陽俘斬五萬

後齊天保二年雨水三日初清河王岳陽所請  
是歲以憂死

武平元年冬雨水明年二月又雨水時錄尚書事和士  
開專政其年七月太保琅邪王儼矯詔殺之領軍大將軍  
庫狄伏連尚書右僕射馮子琮並坐儼賜死九月儼亦遇  
害

六年七年頻歲春冬雨水其年周師入晉陽因平鄴都後  
主走青州貴臣死散州郡被兵者不可勝數

### 大雨雹

梁中大通元年四月大雨雹洪範五行傳曰雹陰晉陽之  
象也時帝數捨身為奴拘信佛法為沙門所制

陳大建二年六月大雨雹十年四月又大雨雹十三年九  
月又雨雹時始興王叔陵驕恣陰結死士圖為不逞帝又  
寵遇之故天二見變帝不悟及帝崩叔陵果為亂逆  
服

後齊婁后臥疾寢衣無故自舉俄而后崩

文宣帝末年衣錦綺傳粉黛數為胡服微行市里粉黛



者婦人之飾陽為陰事君變為臣之象也及帝崩太子嗣位後廢為濟南王又齊氏出自陰山胡服者將反初服也錦練非帝王之法服微服者布衣之事齊亡之効也

後主好令宮人以白越布折額狀如髮幘又為白蓋此二者喪禍之服也後主果為周武帝所滅父子同時被害

武平時後主於苑內作貧兒村親衣纏縷之服而行乞其間以為笑樂多令人服烏衣以相執縛後主果為周所敗被虜於長安而死妃后窮困至以賣燭為業

後周大象元年服冕二十有四旒車服旗鼓皆以二十四

為節侍衛之官服五色雜以紅紫令天下車以木為輪不施輻朝士不得佩綬婦人墨粧黃眉又造下帳如送終之具令五皇后各居其一實宗廟祭器於前帝親讀版而祭之又將五輅載婦人身率左右步從又倒懸鷄及碎瓦於車上觀其作聲以為笑樂皆服妖也帝尋暴崩而政由於隋周之法度皆悉改易

開皇中房陵王勇之在東宮及宣其甥公王世積家婦人所服領巾製同朔帷軍幟婦人為陰之象也而服兵幟臣有兵禍之應矣勇竟而遇害世積之伏誅



雞禍

開皇中有人上書言頻歲已來雞鳴不鼓翅類腋下物而妨之翮不得舉肘腋之臣當為變矣書奏不省京房易飛侯曰雞鳴不鼓翅國有大害其後大臣多被夷滅諸王廢黜太子幽廢

大業初天下雞多夜鳴京房易飛侯曰雞夜鳴急令又云昏而鳴百姓有事人定鳴多戰夜半鳴流血漫漫及中年已後軍國多務用度不足於是急令暴賦責成守宰百姓不聊生矣各起而為盜戰爭不息屍骸被野

災或曰南宮夏火禮也視也禮虧視失逆夏令傷火氣罰見災或災或法使行無常出則有兵入則兵散臣舍命國為亂為賊為疾為喪為飢為兵居國受殃環繞勾已芒角動搖變色不前不後不左不右其殃愈甚其南丈夫北女子喪周旋止息乃為死喪寇亂其野亡地其失行而速兵聚其下順之戰勝又曰災或主大鴻臚主死喪主司空又為司馬主楚吳越以南又司天下羣臣之過司驕奢亡亂妖孽主歲成敗又曰災或不動兵不戰有誅將其出色赤怒逆行成鈞已戰凶有圍軍鈞已有芒角如鋒刃人主無



出宮下有伏兵芒大則人民怒君子遑遑小人浪浪不有  
亂臣則有大喪人欺吏吏欺主又為外則兵內則理政為  
天子之理也故曰雖有明天子必視熒惑所在其入守犯  
太微軒轅營室房心主命惡之

填星曰中央季夏土信也思心也仁義禮智臣信為主貌  
言視聽臣心為政故四星皆失填乃為之動動而盈侯王  
不寧縮有軍不復所居之宿國言得地及女子有福不可  
伐去之失地若有女憂居宿父國福厚易則薄失次而上  
二三宿曰盈有主命不成不乃大水失次而下曰縮后厥

其歲不復不乃天裂若地動一曰填為黃帝之德女主之  
象主德厚安危存亡之機司天下女主之過又曰天子之  
星也天子失信則填星大動

太白曰西方秋金義也言也義虧言失逆秋令傷金氣罰  
見太白太白進退臣侯兵高卑遲速靜躁見伏用兵皆象  
之直其出西方失行夷狄敗出東方失行中國敗未盡期  
日連參天病其對國若經天天下革人更王是謂亂紀人  
民流亡書與日爭明強國弱小國強女主昌又曰太白大  
其號上公也大司馬位謹候此



辰星曰北方冬水智也聽也智虧聽失逆冬令傷水氣罰  
見辰星辰星見主刑主廷尉主燕趙又為燕趙代以北宰  
相之象亦為殺伐之氣戰鬪之象又曰軍於野辰星為偏  
將之象無軍為刑事和陰陽應其時不和出失其時寒暑  
失其節邦當大饑當出不出是謂擊卒兵大起在於房心  
間地動亦曰辰星出入噪疾常主夷狄又曰蠻夷出星亦  
主刑法之得失色黃而小地大動

凡五星有色大小不同各依其行而順時應節色變有類  
凡青皆比參左肩赤比心大星芒比參右肩白比狼星黑  
極憂時則有詩妖時則有毛蟲之孽時則有大禍故有口  
舌之疴有白膏白祥惟木沴金

言不從

洪範五行傳曰言之不從是謂不乂厥咎僭厥罰常陽厥  
梁武陵王紀僭即帝位建元曰天正末豐僕蕭攜曰王不  
克矣昔桓玄年號大亨有識者以為二月了而玄之敗實  
在仲春今日天正正之為文一止其能以乎果一年而敗  
後齊文宣帝時太子殷當冠詔令邢子才為制字子才字  
之曰正道帝曰正一止也吾兒其替乎子才請改帝不許曰



天也因顧謂常山王演曰奪時任汝慎無殺也及帝崩太子嗣位常山果廢之而自立殷尋見害武成帝時左僕射和士開言於帝曰自古帝王盡為灰土堯舜桀紂竟亦何異陛下宜及少壯恣意歡樂一日可以當千年無為自勤約也帝悅其言彌加淫侈士開既道帝以非道身又擅權竟為御史中丞所殺武平中陳人寇彭城後主發言憂懼侍中韓長鸞進曰縱失河南猶得為龜茲國子淮南今沒何足多慮人生幾何時但為樂不須憂也帝甚悅遂耽荒酒色不以天下為虞未幾為周所滅

武平七年後主為周師所敗走至鄴自稱太上皇傳位於太子恒改元隆化時人離合其字曰降死竟降周而死周武帝改元為宣政梁主蕭歸離合其字為宇文亡日其年六月帝崩

宣帝在東宮時不脩法度武帝數撻之及嗣位摸其痕而大罵曰死晚也年又改元為大象蕭歸又離合其字曰天子冢明年而帝崩

開皇初梁王蕭琮改元為廣運江陵父老相謂曰運之為字軍走也吾君當為軍所走乎其後琮朝京師而被拘留



不反其叔父嚴掠居人以叛梁國遂廢

文帝名皇太子曰勇晉王曰英秦王曰俊蜀王曰秀開皇  
初有人上書曰勇者一夫之用又千人之秀為憚萬人之  
秀為俊斯乃布衣之美稱非帝王之嘉名也帝不省時人  
呼楊姓多為羸者或言於上曰楊英反為羸殃帝聞而不  
擇遽改之其後勇俊秀皆被廢黜煬帝嗣位終失天下  
卒為楊氏之殃

煬帝即位號年曰大業識者惡之曰於字離合為大若未  
也尋而天下喪亂率土遭塗炭之酷焉

煬帝常從容謂秘書郎虞世南曰我性不欲人諫若位望  
通顯而來諫我以東當世之名者彌所不耐至於卑賤之  
士雖少寬假然卒不置之於地汝其知之時議者以為古  
先哲王之馭天下也明四目達四聰敢諫之鼓立書諫  
之木以開言者之路猶恐忠言之不至由是澤敷四海慶  
流子孫而帝惡直言讎諫士其能久乎竟逢殺逆  
早

梁天監元年年大旱米斗五千人多餓死洪範五行傳曰君  
持亢陽之節興師動衆勞人過度以起城邑不顧百姓臣



下悲怨然而心不能從故陽氣盛而失度陰氣沉而不附  
陽氣盛旱災應也初帝起兵襄陽破張冲敗陳伯之及  
平建康前後連戰百姓勞敝及即位後復與魏交兵不止  
之應也

陳太建十一年春不雨至四月先是周師掠淮北始興王  
叔陵等諸軍敗績淮北之地皆沒於周蓋其應也

東魏天平四年并肆汾建晉絳秦陝等諸州大旱人多流  
散是歲齊神武與西魏戰於沙苑敗績死者數萬

東魏武定二年冬春旱先是西魏師入洛陽神武親帥軍

大戰於芒山死者數萬

後齊天保九年夏大旱先是大發卒築長城四百餘里  
勞役之應也

乾明元年春旱先是發卒數千萬築金鳳聖應崇光三  
臺窮極侈麗不恤百姓亢陽之應也

河清二年四月并晉已西五州旱是歲發卒築關突厥  
二十萬眾毀長城寇恒州

後主天統二年春大旱是歲大發卒起大明宮

開皇四年已後京師頻旱時遷都龍首建立宮室百姓



弊亢陽之應也

大業四年燕代緣邊諸郡旱時發卒百餘萬築長城帝親巡塞表百姓失業道殣相望

八年天下旱百姓流亡時發四海兵帝親征高麗六軍凍餒死十八九

十三年天下大旱時郡縣鄉邑悉遣築城發男女無少長皆就役

詩妖

梁天監三年六月八日武帝講於重雲殿沙門誌公忽然起

起舞歌樂須臾悲泣因賦五年詩曰樂或二十餘悲哉五十  
十稟但看八十二子地獄妖起佞臣作欺妄賊臣滅君子  
若不信書言龍時候賊起且至馬中間銜悲不見喜梁  
自天監至乎大同三十餘年江表無事至太清二年臺  
城陷帝其國四十八年所言五十年衰也太清元年八  
月十三而侯景自懸瓠來降在丹陽之北子地帝感  
朱異之言以納景景之作亂始自戊辰之歲至辛未  
帝憂崩十年四月八日誌公於大會中又作詩曰兀尾  
狗子始著狂欲死不死醫人傷須臾之間自滅亡患在汝



陰死三湘橫戶一旦無人藏侯景小字狗子初自懸瓠  
來降懸瓠則古之汝南也巴陵南有地名三湘即景  
奔敗之所

天監中茅山隱士陶弘景爲五言詩曰夷甫任散誕平  
叔坐談空不言昭陽殿忽作單于宮及大同之季公  
卿唯以談玄爲務夷甫平叔朝賢也侯景作亂遂居  
昭陽殿

大同中童謡曰青絲白馬壽陽來其後侯景破丹陽  
乘白馬以青絲爲羈勒 陳初有童謡曰黃班青駝

馬發自壽陽埃來時冬氣未去日春風始其後陳主  
果爲韓擒所敗擒本名擒獸黃班之謂也破建康之  
始復乘青駝馬徃反時節皆相應

陳時江南盛歌王獻之桃葉之詞曰桃葉復桃葉度江  
不用楫但度無所苦我自迎接汝晉王伐陳之始置營  
桃葉山下及韓擒度江大將任蠻奴至新林以導北  
軍之應

陳後主造齊雲觀國人歌之曰齊雲觀寇來無際畔  
功未畢而爲隋師所虜



禎明初後主作新歌詞甚哀怨令後宮美人習而歌之其辭曰玉樹後庭花花開不復久時人以歌識此其不久兆也○齊神武始移都于鄴時有童謠云奇憐青雀子飛入鄴城裏作窠猶未成舉頭失鄉里寄書與婦毋好看新婦子魏孝靜帝者清河王之子也○則神武之女鄴都宮室未備即逢禪代作窠未成之効也孝靜尋崩文宣以后爲大原長公主降於楊愔時婁后尚在故言寄書於婦毋新婦子斥宮也

武定中有童謠云百尺高竿摧折水底燃燈澄滅高者齊姓也澄文襄名五年神武崩摧折之應已年文襄遇盜所害澄滅之徵也

天保中陸法和入國書其屋壁曰十年天子爲尚可百日天子急如火周年天子迭代坐時文宣帝享國十年而崩廢帝嗣立百餘日用替厥位孝昭即位一年而崩此其效也 武平元年童謠曰孤截尾你欲除我我除你其年四月隴東王胡長仁謀遣刺客殺和士開事露返爲士開所諧死 二年童謠曰和士開七月三十日將你向南臺小兒唱訖一時拍手云殺却至七月二十五日



御史中丞琅琊王儼執士開送於南臺而斬之是歲  
又有童謠曰七月刈禾傷早九月喫饀正好十月洗蕩  
飯甕十一月出却趙老七月士開被誅九月琅琊王遇害  
十一月趙彥深出爲西兗州刺史

武平末童謠曰黃花勢欲落清樽但滿酌時穆后母子  
淫僻于預朝政時人患之穆后小字黃花尋逢齊亡欲  
落之應也

鄴中又有童謠曰金作掃帚玉作把淨掃殿屋迎西家  
未幾周師入鄴

周初有童謠曰白楊樹頭金鷄鳴祇有阿舅無外甥靜  
帝隋氏之物既遜位而崩諸舅強盛

周宣帝與宮人夜中連臂蹋踑而歌曰自知身命促把  
燭夜行遊帝即位二年而崩

開皇十年高祖幸并州宴秦孝王及王子相帝為四言詩  
曰紅顏詎幾玉貌須臾一朝花落白髮難除明年後歲誰  
有誰無明年而子相卒十八年而秦孝王薨

大業十一年煬帝自京師如東都至長樂宮飲酒大醉因  
賦五言詩其卒章曰徒有歸飛心無復因風力令美人



再三吟詠帝泣下霑襟待御者莫不歎歎帝因幸江都  
復作五言詩曰求歸不得去真成遣箇春鳥聲予勸  
酒梅花笑殺人帝以三月被弒即遭春之應也是年盜賊  
蜂起道路隔絕帝懼遂無還心帝復夢三豎子歌曰佳  
亦死去亦死未若乘舡度江水由是築居丹楊將屠焉  
功未就而帝被殺○大業中童謠曰桃李子鴻鵠遶陽山  
宛轉花林裏莫浪說語誰道許其後李密坐楊玄感之逆  
為吏所拘在路逃叛潛結群盜自陽城山而來襲破洛口  
倉後復屯兵苑內莫浪說密也字文化及自號許國尋

亦破滅誰道許者蓋驚疑之辭也

毛蟲之孽

梁武帝中大同元年邵陵王綸在南徐州卧内方書有狸  
鬪於欄上墮而獲之太清中遇侯景之亂將兵援臺城至  
鍾山有摯熊無何至齧綸所乘馬毛蟲之孽也綸尋為王  
僧辨所敗亡至南陽為西魏所殺

中大同中每夜狐鳴闕下數年乃止京房易飛候曰野獸  
群鳴邑中且空虛俄而國亂丹陽死喪略盡  
陳禎明初狐入床下捕之不獲京房易飛候曰狐入君



室室不居未幾而國滅

東魏武定三年九月豹入鄴城南門格殺之五年八月豹又上銅雀臺京房易飛候曰野獸入邑及至朝廷若道上官府門有大害君亡是歲東魏師敗於玉壁神武遇疾崩後齊武平二年有兔出廟社之中京房易飛候曰兔入王室其君亡案廟者祖宗之神室也後五歲周師入鄴後主東奔

武平末并肆諸州多狼而食人洪範五行傳曰狼貪暴之獸大體以白色為主兵之表也又似犬近犬為

也京房易傳曰君將無道害將及人去之深山以全身厥妖狼食人時帝任用小人競為貪暴殘賊人物人之應尋為周軍所滅兵之象也

武平中朔州府門外無何有小兒腳跡又擁土為城雉之狀時人怪而察之乃狐媚所為漸流至并鄴與武定三年同占是歲南安王思好起兵於北朔直指并州為官軍所敗鄴子饒羊法暉等復亂東

犬禍

後齊天保四年鄴中及頓丘並有大與女子交洪範五行



傳曰異類不當交而交詩亂之氣犬交人為大禍大禍者  
亢陽失衆之應也時帝不恤國政恩澤不流於其  
國

後主時犬為開府儀同雌者有夫人郡君之號給兵  
以奉養食以梁肉藉以茵蓐天奪其心爵加於犬近  
犬禍也天意若曰卿士皆類犬後主不悟遂以取滅

後周保定三年有犬生子豸已後分為兩身二尾六足  
犬猛畜而有瓜牙將士之象也時宇文護與佞伏侯龍  
恩等有謀懷貳犬體後分此其應也

大業元年雁門百姓聞犬多去其主羣聚於野形類變如  
狼而噉噬行人數年而止五行傳曰犬守禦者也而今去  
其主臣不下附之象形變如狼狼色白為主兵之應也其  
後帝窮兵黷武勞役不息天戒若曰無為勞役守禦之  
臣將叛而為害帝不悟遂起長城之役續有西域遼東之  
舉天下怨叛及江都之變並宿衛之臣也  
白青白祥

梁大同二年地生白毛長二尺近白祥也孫盛以為勞人  
之異先是大發空築浮山堰功費鉅億功垂就而復潰者



數矣百姓厭役吁嗟滿道

齊河清元年九月滄州及長城之下地多生毛或白或黑長四五寸近白祥也時北築長城內興三臺人苦勞役

開皇六年七月京師雨毛如髮尾長者三尺餘短者六七寸京房易飛候曰天雨毛其國大飢是時關中旱米粟涌貴

後齊天統初岱山封禪壇玉壁自出近白祥也岱山王者易姓生代之所玉壁所用幣而自出將有易姓者用幣之象其後齊亡地入于周及高祖受周禪天下一統焚柴太

### 山告祠之應也

武平三年白水巖下青石壁傍有文曰齊亡走人改之為上延後主以為嘉瑞百寮畢賀後周師入國後主果棄鄴而走

開皇十七年石墮於武安滄陽間十餘洪範五行傳曰石自高墮者君將有危殆也後七載帝崩

開皇末高祖於宮中埋一小石於地以誌置牀之所未幾變為玉劉向曰王者至貴也賤將為貴之象及大業末盜皆僭名號



大業十三年西平郡有石文曰天子立千年百寮稱賀有  
識者尤之曰千年萬歲者身後之意也今稱立千年者禍  
在非遠明年而帝被殺

木沴金

梁大同十二年曲阿建陵隧口石麒麟動木沴金也動者  
遷移之象夫戒若曰園陵無主石麟將為人所徙也後竟  
國亡

後齊河清四年殿上石自起兩兩相擊眚孟以為石陰類  
下人象殿上石自起者左方親人離叛之應及周師東伐

寵臣尉相願乞扶貴和兄弟韓建業之徒皆叛入周

梁大同十二年正月送辟邪二千建陵左雙角者至陵所  
有獨角者將引於車上振躍者三車兩轆俱折因換車木  
至陵二里又躍者三每一振則車側人莫不從奪去地三  
四尺車輪陷入土三寸木沴金也劉向曰失衆心令不行  
言不從以亂金氣也石為陰臣象也臣將為變之應梁  
武暮年不以政事為意君臣唯講佛經談玄而已朝綱紊  
亂令不行言不從之咎也其後果致羨景之亂

周建德元年濮陽郡有石像郡官令載向府將刮取金



在道自躍投地如此者再乃以大繩縛著車壁又絕繩而  
下時帝既滅齊又事淮南征伐不息百姓疲弊失衆心  
之應也

隋書

二十二卷

志十七

五行七

隋書第二十三卷

監修國史趙國公長孫無忌等撰

志第十八

五行下

洪範五行傳曰視之不明是謂不知厥終  
燠厥極疾時則有草妖時則有羽蟲之孽故有羊禍  
故有目疾有赤眚赤祥惟水沴火  
常燠

齊天保八年三月大熱人或暈死或向五行傳曰



相不明用近習賢者不進不肖不選百職廢壞庶事  
不從其過在政教舒緩時帝狂躁荒淫無度之應

草妖

高祖時上黨有人宅後每夜有人呼聲求之不得去  
宅一里所但見人參一本枝葉茂盛因掘去之其根  
五尺餘具體人狀呼聲遂絕蓋草妖也視不明之咎  
時晉王陰有奪宗之計諂事親要以求聲譽譖皇太  
子高祖惑之人參不當言有物憑之上黨黨與也親  
要之人乃黨晉王而譖太子高祖不悟聽邪言廢無

辜有罪用因此而亂也

羽蟲之孽

梁中大同元年邵陵王綸在南徐州坐聽事有野鳥  
如鷓數百飛屋梁上彈射不中俄頃失所在京房易  
飛候曰野鳥入君室其邑虛君亡之他方後綸為湘  
東王所襲竟致奔亡為西魏所殺

侯景在梁將受錫命陳備物於庭有野鳥如山鵲亦  
觜集於冊書之上鵲鳴於殿與中大同元年同占  
景尋敗將亡入海中為羊鷄所殺



陳後主時蔣山有衆鳥鼓翼而鳴曰奈何帝京房易  
飛候曰鳥鳴所闕如人音邑且云蔣山吳之望也鳥  
於上鳴吳空虛之象及陳亡建康爲墟又陳末云時  
有一足鳥集于殿庭以箸畫地成文曰獨足上高臺  
盛草變成灰獨足者叔寶獨行無衆之應盛草成灰  
者陳政蕪穢被隋火德所焚除也叔寶至長安館於  
都水臺上高臺之義也

後齊孝昭帝即位之後有雉飛上御座占同中大同  
元年又有鳥止於後園其色赤形似鴨而有九頭其

### 年帝崩

天統三年九月萬春鳥集仙都苑京房易飛候曰非  
常之鳥來宿於邑中邑有兵周師入鄴之應也武成  
胡后生後主初有鳥升后帳而鳴梟不孝之鳥不祥  
之應也後主嗣位胡后淫亂事彰遂幽后於北宮焉  
武平七年有鸛巢太極殿又巢并州嘉陽殿雉集晉  
陽宮御座獲之京房易飛候曰鳥無故巢居君門及  
殿屋上邑且虛其年國滅

周大象二年二月有禿鷲集洛陽宮太極殿其年帝



崩後宮常虛

開皇初梁主蕭琮新起後有鴝鳥集其帳隅未幾琮入朝被留於長安梁國遂廢

大業末京師宮室中恒有鴝鳥之類無數翔集其間俄而長安不守

十三年十一月烏鵲巢帝帳幄驅不能止帝尋逢絺羊禍

開皇十二年六月敏昌楊悅見雲中二物如羝羊黃色大如新生犬闐而墜必獲其一數旬失所在近羊

禍也洪範五行傳曰君不明逆火政之所致也狀如新生犬者羔類也雲體掩蔽邪佞之象羊國姓羔羊子也皇太子勇既升儲貳晉王陰毀而被廢黜一羔闐一羔隊之應也

恭帝義寧二年麟遊太守司馬武戲羊羔生而無尾時議者以為楊氏子孫無後之象是歲煬帝被殺於江都恭帝遜位

赤首赤祥

梁天監十五年七月荆州市殺人而身不僵首墮于



地動口張目血如竹箭直上文餘然後如雨細下是  
歲荊州大旱近赤祥寃氣之應

陳太建十四年三月御座帷上見一物如車輪色正  
赤尋而帝患無故大叫數聲而崩

至德三年十二月有赤物墮于太極殿前初下時鐘  
皆鳴又嘗進白飲忽變為血又有血霑殿階漑漑然  
至御榻尋而國滅

後齊河清二年太原兩血劉向曰血者陰之精傷害  
之象僵尸之類也。○明年周師與突厥入并州大戰

城西伏屍百餘里京房易飛候曰天雨血染衣國亡  
君戮亦後主亡國之應

四年二月有物墮於殿庭色赤形如數斗噐眾星  
者如小鈴四月婁太后崩

武平中有血點地自咸陽王斛律明月宅而至于太廟  
大將社稷之臣也後主以讒言殺之天戒若曰殺明  
月則宗廟隨而覆矣後主不悟國祚竟絕

洪範五行傳曰聽之不聰是謂不謀厥咎急厥罰寒  
厥極貧時則有鼓妖有魚孽有彘禍有黑眚有黑祥惟



火沴水

寒

東魏武定四年二月大寒人畜凍死者相望於道  
京房易飛候曰誅過深當燠而寒是時後齊神武作  
相先是爾朱文暢等謀害神武事泄伏誅諸與交通  
者多有濫死

河清元年歲大寒京房易傳曰有德遭險茲謂逆命  
厥異寒識曰殺無罪其寒必異是時帝淫於文宣李  
后因生子后愧恨不舉之帝大怒於后前殺其子不

原王紹德后大哭帝裸后而撻殺之投于水中良久  
乃蘇寃酷之應

梁天監三年三月六年三月並隕霜殺草京房易傳  
曰興兵妄誅謂王法厥罰霜是時大發卒拒魏軍於  
鍾離連兵數歲

大同三年六月胸山隕霜

陳太建十年八月隕霜殺稻叔是時大興師選衆遣  
將吳明徹與周師相拒於呂梁  
鼓妖



梁天監四年十一月天清朗西南有電光有雷聲二  
易曰鼓之以雷霆震近鼓妖洪範五行傳曰雷霆託  
於雲猶君之託於人也君不恤於天下故兆人有怨  
叛之心也是歲交州刺史李凱舉兵反

十九年九月西北隱隱有聲如雷赤氣下至地是歲  
盜殺東莞琅邪二郡守以胸山引魏軍

中大通六年十二月西南有聲如雷其年北梁州刺  
史蘭欽舉兵反

陳太建二年十二月西北有聲如雷其年湘州刺史

華皎舉兵反齊天保四年四月西南有聲如雷是  
時帝不恤天下興師旅

後周建德六年正月西方有聲如雷未幾吐谷渾寇  
邊

開皇十四年正月日鄜州連雲山有聲如雷是時五  
反叛侵擾邊鎮二十年無雲而雷京房易飛候曰國  
將易君下人不靜小人先命國凶有兵甲後數歲帝  
崩漢王諒舉兵反徙其黨數十萬家大業中滄陽石  
鼓頻歲鳴其後天下大亂兵戎並起



魚孽

梁大同十年三月帝幸朱方至四漸中及玄武湖魚皆鱗首見於上若望乘輿者帝入宮而沒洪範五行傳曰魚陰類也下人象又有鱗甲兵之應也下人將舉兵圍宮而睥睨乘輿之象也後果有侯景之亂齊神武武平七年相州鸕鷀泊魚盡飛去而水涸洪範五行傳曰急之所致魚陰類下人象也晏子曰河伯以水爲國以魚爲百姓水涸魚飛國工人散之象明年而國亡

後周大象元年六月陽武有鯉魚乘空而鬪猶臣下興起小人從之而鬪也明年帝崩國失政尉迥起兵相州高祖遣兵擊敗之

開皇十七年大興城西南四里有袁村設佛會有老翁皓首白裙襦衣來食而去衆莫識追而觀之行二里許不復見但有一陂中有白魚長丈餘小魚從者無數人爭射之或弓折弦斷後竟中之剖其腹得杭飯始知此魚向老翁也後數日漕渠暴溢射人皆溺死大業十二年淮陽郡驅人入子城鑿斷羅郎郭至女



垣之下有穴其中得鯉魚長七尺餘昔魏嘉平四年魚集武庫屋上王肅以爲魚生於水而亢於屋水之物失其所也邊將殆棄甲之變後果有東關之敗是時長白山賊寇掠河南月餘賊至城下郡兵拒之反爲所敗男女死者萬餘人

蟲妖

梁大同初大蝗籬門松柏葉皆盡洪範五行傳曰介蟲之孽也與魚同占京房易飛候曰食祿不益聖化天視以蟲蟲無益於人而食萬物也是時公卿皆以

虛澹爲美不親職事無益食物之應也

後齊天保八年河北六州河南十二州蝗蝻人皆祭之帝問魏尹丞崔叔瓚曰何故蟲叔瓚對曰五行志云土功不時則蝗蟲爲災今外築長城內脩三臺故致災也帝大怒歐其頰擢其髮溷中物塗其頭役者不止九年山東又蝗十年幽州大蝗洪範五行傳曰刑罰暴虐貪饕不厭興師動衆取城脩邑而失衆心則蟲爲災是時帝用刑暴虐勞役不止之應也

後周建德二年關中大蝗



開皇十六年并州蝗時秦孝王俊哀刻百姓盛脩邸  
第後竟獲譴而死

彘禍

開皇末渭南有沙門三人行投陀法於人場圃之上  
夜見大豕來詣其所小豕從者十餘謂沙門曰阿練  
我欲得賢聖道然猶負他一命言罷而去賢聖道者  
君上之所行也皇太子勇當嗣業行君上之道而被  
囚發之象也一命者言為煬帝所殺

開皇末渭南有人寄宿他舍夜中聞二豕對語其一  
曰豕將盡阿耶明日殺我供歲何處避之一答曰可  
向水北姊家因相隨而去天將曉主人覓豕不得意  
是宿客而語之宿客言狀主人如其言而得豕其後  
蜀王秀得罪帝將殺之平樂公主每匡救得全後數  
年而帝崩歲盡之應

黑青黑祥

梁承聖三年六月有黑氣如龍見于殿內近黑祥也  
黑周所尚之色今見於殿內周師入梁之象其年為  
周所滅帝亦遇害



陳太建五年六月西北有黑雲屬地散如猪者十餘  
洪範五行傳曰當有兵起西北時後周將王軌軍於  
呂梁明年擒吳明徹軍皆覆沒

火滂水

後齊河清元年四月河濟清襄楷曰河諸侯之象應  
濁反清諸侯將為天子之象是後十餘歲隋有天下  
大業三年武陽郡河清數里鏡澈十二年龍門又河  
清後二歲大唐受禪

陳太建十四年七月江水赤如血自康西至荊州

後明中江水赤自方州東至海洪範五行傳曰火滂  
水也法嚴刑酷傷水性也五行變節陰陽相干氣色  
繆亂皆敗亂之象也京房易占曰水化為血兵且起  
是時後主初即位用刑酷暴之應其後為隋師所滅  
後明二年四月郢州南浦水黑如墨黑水在關中而  
今淮南水黑荊揚州之地陷於關中之應

後周大象元年六月咸陽池水變為血與陳太建  
十四年同占是時刑罰嚴急未幾國亡

洪範五行傳曰思心不容是謂不聖厥咎替厥罰常



風厥極凶短折有胎夜之妖有華孽有牛禍有心腹  
之病有黃書黃祥木金水火冷土

常風

梁天監六年八月戊戌大風折木京房易飛候曰角  
曰疾風天下昏不出三月中兵必起是歲魏軍入鍾離  
承聖三年十一月癸亥帝閱武於南城北風大急普  
天昏闇洪範五行傳曰人君督亂之應時帝既平侯  
景公卿咸勸帝反丹楊帝不從又多猜忌有督亂之  
行故天變應之以風是歲爲西魏滅

陳天嘉六年七月癸未大風起西南吹倒靈臺候樓  
洪範五行傳以爲大臣專恣之咎時太子冲知安成王  
頊專政帝不時抑損明年崩皇太子嗣位頊遂廢之  
太建十二年六月壬戌大風吹壞臯門中閤十二年  
九月夜又風發屋拔樹始興王叔陵專恣之應

至德中大風吹倒朱雀門

禎明三年六月丁巳大風自西北激濤水入石頭淮  
是時後主任司馬申誅戮忠諫沈客卿施文慶專行  
邪僻江摠孔範等崇長淫縱杜塞聰明督亂之咎



後齊河清二年大風三日乃止時帝初委政佞臣和士開專恣日甚

天統二年五月大風晝晦發屋拔樹天變再見而帝不悟明年帝崩後主詔內外表奏皆先詣士開然後聞徹趙郡王叡馮翊王潤按士開驕恣不宜仍居內職反爲士開所譖叡竟坐死士開出入宮掖生殺在口尋爲琅邪王儼所誅

七年三月大風起西北發屋拔樹五日乃止時高阿那瓌駱提婆等專恣之應

開皇二十年十一月京都大風發屋拔樹秦隴壓死者千餘人地大震鼓皆應淨刹寺鐘三鳴佛殿門鎖自開銅像自出戶外鍾鼓自鳴者近鼓妖也楊雄以爲人君不聰爲衆所惑空名得進則鼓妖見時獨孤皇后干預政事左僕射楊素權傾人主帝聽二人之讒而黜僕射高頴廢太子勇爲庶人晉王鈞虛名而見立思心習亂陰氣盛之象也鎖及銅像並金也金動木震之水沴金之應洪範五行傳曰失衆心甚之所致也高頴楊勇無罪而咸廢黜失衆心也



仁壽二年西河有胡人乘騾在道忽爲廻風所飄并一車上千餘尺乃墜皆碎焉京房易傳曰衆逆同志至德乃潛厥異風後二載漢王諒在并州潛謀逆亂車及騾騎之象也升空而墜顛隕之應也天戒若曰無妄動車騎終當覆敗而諒不悟及高祖崩諒發兵反州縣響應衆至數十萬月餘而敗

夜妖

梁承聖二年十月丁卯大風晝晦天地昏暗近夜妖也京房易飛候曰羽日風天下昏人大疾不然多寇

盜三年爲西魏所滅

陳禎明三年正月朔日雲霧晦冥入鼻辛酸後主昏昧近夜妖也洪範五行傳曰王失中臣下強盛以蔽君明則雲陰是時北軍臨江柳莊任蠻奴並進中款後主惑佞臣孔範之言而昏闇不能用以至覆敗東魏武定四年冬大霧六日晝夜不解洪範五行傳曰晝而晦冥若夜者陰侵陽臣將侵君之象也明年元瑾劉思逸謀殺大將軍之應

周大象二年尉迴敗於相州坑其黨與數萬人於遊



豫園其魘每聞鬼夜哭聲洪範五行傳曰哭者死亡  
之表近夜妖也鬼而夜哭者將有死亡之應京房易  
飛候曰鬼夜哭國將亡明年周氏王公皆見殺周室  
亦亡

仁壽中仁壽宮及長城之下數聞鬼哭尋而獻后及  
帝相次而崩於仁壽宮

大業八年楊玄感作亂於東都尚書樊子蓋坑其黨  
與長夏門外前後數萬洎于末年數聞其處鬼哭有  
呻吟之聲與前同占其後王世充害越王侗于洛陽

華孽

後齊武平元年槐華而不結實槐三公之位也華而  
不實萎落之象至明年錄尚書事和士開伏誅隴東  
王胡長仁太保琅邪王儼皆遇害左丞相段韶薨

陳後主時有張貴妃孔貴嬪並有國色稱為妖艷後  
主惑之寵冠宮掖每克侍從詩酒為娛一入後庭數  
旬不出荒淫侈靡莫知紀極府庫空竭頭會其斂天  
下怨叛將士離心敵人鼓行而進莫有死戰之士女  
德之咎也及敗亡之際後主與此姬俱投於井隋師



執張貴妃而戮之以謝江東洪範五行傳曰華者猶榮華容色之象也以色亂國故謂華孽

齊後主有寵姬馮小憐慧而有色能彈琵琶尤工歌舞後主惑之拜為淑妃選綵女數千為之羽從一女之飾動費千金帝從禽於三堆而周師大至邊吏告急相望於道帝欲班師小憐意不已更請合圍帝從之由是遲留而晉州遂陷後與周師相遇於晉州之下坐小憐而失機者數矣因而國滅齊之士庶至今咎之牛禍

梁武陵王紀祭城隍神將烹牛忽有赤蛇繞牛口牛禍也象類言之又為龍蛇之孽魯宣公三年郊牛之口傷時以為天不享棄宣公也五行傳曰逆君道傷故有龍蛇之孽是時紀雖以赴授為名而實妄自尊元思心之咎神不享君道傷之應果為元帝所敗後齊武平三年并州獻三足牛牛禍也洪範五行傳曰牛事應宮室之象也帝尋大發卒於仙都苑穿地築山樓殿間起窮華極麗功始就而亡國後周建德六年陽武有獸三狀如水牛一黃一赤一



黑與黑者鬪久之黃者自傍觸之黑者死黃赤俱入于河近牛禍也黑者周之所尚色死者滅亡之象後數載周果滅而隋有天下旗牲尚赤戎服以黃

大業初恒山有牛四脚膝上各生一蹄其後建東都築長城開溝洫

心腹之疴

陳禎明二年隋師臨江後主從容而言曰齊兵三來周師再來無復摧敗彼何爲者都官尚書孔範曰長江天塹古以爲限隔南北今日北軍豈能飛度耶臣

每患官卑彼若度來臣爲大尉矣後主大悅因奏妓縱酒賦詩琴輟心腹之疴也存亡之機定之俄頃君臣盱食不暇後主已不知懼孔範從面蕩之天奪其心曷能不敗陳國遂亡範亦遠徙

○齊文宣帝嘗宴於東山投杯赫怒下詔西伐極陳甲兵之盛既而泣謂群臣曰黑衣非我所制卒不行有識者以帝精魄已亂知帝祚之不永帝後竟得心疾耽荒酒色性忽狂暴數年而崩

武成帝丁太后憂緋袍如故未幾登三臺置酒作樂侍者



進白袍帝大怒投之臺下未幾而崩

黃青黃祥

梁大同元年天雨土二年天雨灰其色黃近黃祥也京房  
易飛候曰聞善不及茲謂有知厭異黃厥咎龍厭災不  
嗣蔽賢絕道之咎也時帝自以為聰明博達惡人勝  
已又篤信佛法捨身為奴絕道蔽賢之罰也大寶元  
年正月天雨黃沙二年簡文帝夢凡土而吞之尋為  
侯景所廢以土囊壓之而斃諸子遇害不嗣之應  
也

陳後主時夢黃衣人圍城後主惡之遶城橘樹盡伐  
去之

隋高祖受禪之後上下通服黃衣未幾隋師攻圍  
之應也

後周天象二年正月天雨黃土移時乃息與大同元  
年同占時帝昏狂滋甚期年而崩至于靜帝用孫厥  
位絕道不嗣之應也

開皇二年京師雨土是時帝懲周室諸侯微弱以亡  
天下故分封諸子並為行臺專制方面失土之故有



土氣之祥其後諸王各謀爲逆亂京房易飛侯曰天  
雨土百姓勞苦而無功其時營都邑後起仁壽宮顏  
山堙谷丁匠死者太半

裸蟲之孽○梁大清元年丹楊有莫氏妻生男眼在頂  
上大如兩歲兒墜地而言曰兒是旱疫鬼不得住母曰汝  
當令我得過疫鬼曰上有官何得自由母可急作絳帽故  
當無憂母不暇作帽以絳繫髮自是旱疫者二年楊徐  
兗豫尤甚莫氏鄉鄰多以絳免他土效之無驗

大寶二年京口人於歲兒五歲登城西南角大樓

打鼓作長江樞鼓兵象也是時侯景亂江南

陳永定三年有人長三丈見羅浮山通身潔白衣服

楚麗京房占曰長人見云後二歲帝崩

後主爲太子時有婦人突入東宮而大言曰畢國主  
後主立而祚終之應也

至德三年八月建康人家婢死埋之九日而更生有  
牧牛人聞而出之

禎明二年有船下忽聞人言曰明年亂視之得死嬰  
兒長二尺而無頭明年陳滅



齊天保中臨漳有婦人產子二頭共體是後政曰姦  
佞上下無別兩頭之應也

後主時有桑門貌若狂人見烏則向之禮作見沙門  
則毆辱之烏周色也未幾齊為周所吞滅除佛瀉

後周保定三年有人產子男陰在背上如尾兩足指  
如獸爪陰不當生於背而生於背者陰陽反覆君臣  
顛倒之象人足不當有爪而有爪者將致攫人之變  
也是時晉蕩公宇文護專擅朝政征伐自己陰懷篡  
逆天戒若曰君臣之分已僨矣將行攫噬之禍帝見

變而悟遂誅晉公親萬機躬節儉克平齊國號為高  
祖轉禍為福之効也

武帝時有強練者佯狂持一瓠至晉蕩公護門而擊  
破之曰身尚可子苦矣時護專政因朝太后帝擊殺  
之發兵捕其諸子皆備楚毒而死強練又行乞於市  
人或遺之粟麥輒以無底袋受之因大笑曰盛空未  
幾周滅高祖移都長安城為墟矣

開皇六年霍州有老翁化為猛獸

七年相州有桑門變為蛇尾繞樹而自抽長二丈許



仁壽四年有人長數丈見於應門其迹長四尺五寸  
其年帝崩

大業元年鴈門人房回安母年百歲額上生角長二  
寸洪範五行傳曰婦人陰象也角兵象也下反上之  
應是後天下果大亂陰戎圍帝於鴈門

四年鴈門宋谷村有婦人生一肉郊大如斗埋之後  
數日所埋處雲霧盡合從地雷震而上視之洞穴失  
郊所在

六年趙郡李來王家婢產一物大如郊

六年正月朔旦有盜衣白練裙襦手持香花自稱彌  
勒佛出世入建國門奪衛士仗將為亂齊王暕遣而  
斬之後二年楊玄感作亂引兵圍洛陽戰敗伏誅  
八年有澄公者若狂人於東都大叫唱賊帝聞而惡  
之明年玄感舉兵圍洛陽

十一年澄公又此賊李密逼東都擊破之燒毀都市而去  
九年帝在高陽唐縣人宋子賢善為幻術每夜樓上  
有光明能變作佛形自稱彌勒出世又懸大鏡於堂  
上紙素上畫為蛇為獸及人取有人來者謁者轉側



其鏡遣觀來生形像或映見上蛇形子賢輒告云  
此罪業也當更禮念又令其妻乃轉入形示之遠近  
惑信日數百千人遂潛謀亂將爲無遮佛會因舉  
兵欲襲擊乘輿事泄應揚郎將以兵捕之夜至其所  
遶其所居但見火坑兵不敢進郎將曰此地素無坑  
止妖妄耳及進無復火矣遂擒斬之并坐其黨與千  
餘家其後復有桑門向海明於扶風自稱彌勒佛出  
世潛謀逆亂人有歸分者輒獲言夢由是人皆惑之三  
輔之士翕然稱爲大聖因舉兵反衆至數萬官軍擊破

之京房易飛侯曰妖言動衆者茲謂不信路無人行  
不出三年起兵自是天下大亂路無人行

木金水火沴土

梁天監五年十一月京師地震木金水火沴土也洪  
範五行傳曰臣下盛將動而爲害京房易飛侯曰地  
動以下十一月者其邑飢云時交州刺史李凱舉兵  
反明年霜歲饑人飢

普通三年正月建寧地震是時義州刺史文僧朗以  
州叛



六年十二月地震京房易飛候曰地冬動有音以十二月者其邑有行兵是時帝令豫章王琮將兵北伐中大通五年正月建康地震京房易飛候曰地以春動歲不昌是歲大水百姓飢饉

大同三年十一月建康地震京房易飛候曰地震以十一月邑有大喪及飢立明年霜為災百姓飢三年十月建康地震是歲會稽山賊起

七年二月建康地震是歲交州人李賁舉兵逐刺史蕭詒

九年閏正月地震李賁自稱皇帝署置百官

太清三年四月建康地再震時侯景自為大丞相錄尚書事帝所須不給是月以憂憤崩

陳永定二年五月建康地震時王琳立蕭莊於郢州太建四年十一月地震陳寶應反閩中

禎明元年正月地震施文慶沈客卿專恣之應也

東魏武定二年十一月西河地陷而且然京房易妖占曰地自陷其君亡祖暉曰火陽精也地者陰主也地然越陰之道行陽之政臣下擅恣然以自害時後



齊神武作宰而侯景專擅河南後二歲神武果崩景  
遂作亂而自取敗亡之應

後齊河清二年并州地震和士開專恣之應

後周建德二年涼州地頻震城郭多壞地裂出泉京  
房易妖占曰地分裂羗夷叛時吐谷渾頻寇河西

開皇十四年五月京師地震京房易飛候曰地動以  
夏五月人流亡是歲關中飢帝令百姓糶糧於關東  
仁壽二年四月岐雍地震京房易飛候曰地動以夏  
四月五穀不熟人大飢

三年梁州穀谷山崩洪範五行傳曰崩散落背叛不  
事上之類也梁州為漢地明年漢王諒舉兵反

大業七年砥柱山崩壅河逆流數十里劉向洪範五  
行傳曰山者君之象水者陰之表人之類也天戒若  
曰君人擁威重將崩壞百姓不得其所時帝興遼東  
之師百姓不堪其役四海怨叛帝不能悟卒以滅亡  
洪範五行傳曰皇之不極是謂不建厥咎替厥罰常  
陰厥極弱時則有射妖則有龍蛇之孽則有馬禍  
雲陰



開皇二十年十月久陰不雨劉向曰王者失中臣下  
強盛而蔽君明則雲陰是時獨孤右遂與楊素陰譖  
太子勇廢為庶人

射妖

東魏武定四年後齊神武作宰親率諸軍攻西魏於  
玉壁其年十一月帝不豫班師將士震懼皆曰韋孝  
寬以定功弩射殺丞相西魏下令國中曰勁弩一發  
凶身自殞神武聞而惡之其疾暴增近射妖也洪範  
五行傳曰射者兵戎禍亂之象氣也天則禍亂將起

神武行殿中將軍曹魏諫曰王以死氣逆生氣為客  
不利主人則可帝不從頓軍五旬頻戰沮劬又聽孤  
虛之言於城北斷汾水起土山其處天險千餘尺功  
竟不就死者七萬氣逆天之咎也其年帝崩明年主  
思政擾河南

武平後主自并州還鄴至八公嶺夜與左右歌而行  
有一人勿心發任意後主以為狐媚伏草中彎弓而射  
之傷數人幾之後王後主執而斬之其人不自覺也  
狐而能媚獸之妖妄也時中不恤國政專與內人闇



豎酣歌為樂或衣縵縷衣行之為娛此妖妄之象人  
又射之兵戎禍亂之應也未幾而國滅

龍蛇之孽

梁天監二年北梁州潭中有龍鬪潭霧數里龍蛇之  
孽洪範五行傳曰龍獸之難害者也天之類君之象  
天氣害君道傷則龍亦害鬪者兵革之象也京房易  
飛候曰眾心不安厥妖龍鬪是時帝初即位而有陳  
伯之劉季連之亂國內危懼

晉通鑑五年六月龍鬪于曲阿王陂因西行至建陵城

所經之處樹木皆折開數十丈與天監二年同占經  
建陵而樹木折者國有兵革之禍園陵殘毀之象時  
帝專以講論為務不宗耕戰將輕而卒惰君道既傷  
故有龍孽之應帝殊不悟至大清元年黎州水中又  
有龍鬪波浪涌起雲霧四合而見白龍南走黑龍隨  
之其年侯景以兵來降帝納之而無備國人皆懼俄  
而難作帝以憂崩

大同十年夏有龍  
因雷而墮延陵人家井中明日  
視之大如驢將以  
刺之俄見庭中及室中各有大



蛇如數百斛船家，人奔走洪範五行傳曰龍陽類貴象也。上則在天下則在地不當見庶人邑里室家井中幽深之象也。諸侯自有幽執之禍皇不建之外也。後侯景反果幽殺閻文于酒庫宗室王侯皆幽死。陳太建十一年正月龍見南兖州池中與梁大同十年同占未幾後王嗣位驕淫荒怠動不得中其後竟以國亡身被幽執。

東魏武安元年有大蛇見武牢城是時北豫州刺史高仲密妻李氏患心而艷世子澄悅之仲密內不自安遂以武牢叛陰引西魏大戰於河陽神武為西兵所窘僅而獲免死者數千。

後齊天保九年有龍長七八丈見齊州大堂占同。大同十年時常山長廣二王權重帝不思抑損明年帝崩太子毅嗣立常山王浩篡廢帝為濟南王幽而害之。

河清元年龍見濟州浴堂中占同天保九年先是平秦王歸彥受昭帝遺詔立太子百年為嗣而歸彥遂立長廣王湛是為武成帝而廢百年為樂陵王竟以



幽死

天統四年貴鄉人伐古

齊稱木德龍君象木枯

武平三年龍見邯鄲井

佛寺澗井中占同河清

武平七年并州招遠

蛇死赤齊尚色黑周尚

任用邪佞與周師連

阿那肱竟答敵人皇

建之答也後主遂為周師所

白蛇長數丈迴旋失所

變不知戒以及於難

後周建德五年黑龍墜

所尚色墜而死不祥之

慮直臣王軌宇文孝伯

歲帝崩太子立虐殺齊

仁壽四年龍見代州

甲士彎弓上射之象變

鐵馬近馬禍也彎弓上射

卷之七 卷之七 卷之七



文近射妖諸侯將有兵革之變以致幽囚也是時漢王諒潛謀逆亂故變兵戒之諒不悟遂興兵反事敗廢為庶人幽囚數年而死

馬禍

侯景僭尊號於江南每將戰其所乘白馬長鳴踈足者輒勝垂頭者輒不利西州之役馬卧不起景拜請且冀之竟不動近馬禍也洪範五行傳曰馬者兵象將有寇戎之事故馬為恠忌因此大敗

陳太建五年衡州馬生角洪範五行傳曰馬生角兵

之象敗亡之表也是時宣帝遣皇明徹出師呂梁與周師拒連立戰歲衆軍覆沒明徹竟為周師所虜天保中廣宗有馬兩耳間生角如羊尾京房易傳曰天子親伐則馬生角四年契丹犯塞文宣帝親御六軍以擊之

大業四年太原廐馬死者大半帝怒遣使案問主者曰每夜廐中馬無故自驚馬因而致死帝令巫者視之巫者知帝將有遼東之役因希旨言曰先帝令楊素史萬歲取之將鬼兵以伐遼東也帝大悅因釋王者



洪範五行傳曰逆天氣故馬多死是時帝每歲巡幸  
北事長城西通且夫國內虛耗天戒若曰除廐馬無  
事巡幸帝不悟遂至亂

十一年河南扶風三郡並有馬生角長數寸與天保  
初同占是時帝頻歲親征高麗

義寧元年帝在江都宮龍廐馬無故而死旬日死至  
數百匹與大業四年同占

隋書第二十三卷

志第八

五行下



程